



ル 5
3258
26

26



黃州府志卷之二十六

黃州府知府英 啟纂輯

人物志

列女一

宋

李氏黃梅人韓秀妻宣和末秀久客汴姑老病劇氏泣禱於天
懇醫調治姑愈益盡孝養姑嘗語人曰吾今九十三吾媳亦
六十矣吾子有若無也吾非媳何以終老乎

元

武氏蘄水人趙政二妻年二十二夫沒家貧守節事舅姑尤謹
事聞旌表

黃州府志卷之二十六 列女一

和
十月
八日
購
求

蒲烈女黃梅人邑吏蒲汴女麻城縣志作蒲拱女年十六舊志作二十六為紅巾

賊所執女顏色不變給賊以隨我至山橋僻處潛拔簪刺其

一目賊伏地眾賊追刃之罵不絕口死王志作麻城人原注云舊志作黃梅今從

省志考黃梅志注通志府志俱作麻城誤今依黃梅志更正

張氏二烈女蘄州人父任總管長女年三十一次女年二十九

俱未字至正辛卯寇逼斬二女與父相失乃相語曰我世宦

豈可被賊辱乎挽手赴蓮花池死

伏貞女黃梅人少許聘未嫁而婿亡女誓守貞以養父母嘗為

母吮疽年二十七卒里人號曰孝女

明

黃岡縣

節婦

魏氏熊谷真通志作鎮妻吳氏熊拳妻 胡氏吳受妻魏年二十

四夫亡終舅姑養撫幼子拳依父家紡績自給拳長娶吳受

女生子官受官童會拳沒於五開衛戍所衛攝取官受補伍

時吳受妻胡亦早寡依女以居於是三孀日夕抱孤而泣吳

私計曰兒獨應伍兒必亡我偕兒往姑與母老亦必亡乃兼

程赴京陳情太祖詔有司體勘得實魏胡均以節旌吳以孝

義無雙旌並復其家後官童子仁博學有文名

周氏進士余文瑞妻夫沒氏嘔血不食面垢髮結以夫衣舄為

衾枕婢偶曝其衣誤雜男子衣中立焚之

劉氏庠生倪天瑞妻年二十夫沒撫孤士觀為諸生授徒奉養

氏年踰九十卒萬曆二十二年旌後十二年士觀亦以孝子並旌

方氏舉人盧靜妻副都御史方任妹年二十四守節事舅姑以篤孝稱卒年九十六萬曆二十三年旌表建坊

王氏進士奚世亮繼妻都察院都事王廷儒女嘉靖閒世亮殉興化難蒙諭葬時氏年二十二苦節七十餘年後封恭人萬

曆閒三蒙存問年九十四卒詔建忠臣節婦坊祔葬世亮墓汪氏庠生王追宣妻夫亡無子弱齡苦節年六十餘卒事聞旌表

盧氏庠生曹銓妻年二十二夫沒撫棺哀慟夜自縊以救甦撫遺孤勤苦萬狀偶鄰媪以微言挑之氏剪髮鬻指唾媪面不

再見年七十五卒萬曆三十六年旌表建坊

周氏韋體亨妻生子石麟尚幼體亨疾篤指老母幼子瞪目視之俄卒氏守志奉姑孝謹撫石麟辟纊佐讀石麟後登萬曆

壬戌進士官主事氏封安人三十五年旌表建坊

吳氏曾祿妻 邱氏魏璋妻 王氏陶以憲妻俱年少守節養舅姑撫遺孤甘寂茹苦終身不易

鄭氏樊煖妻 吳氏藍繼妻舊志稱其節並蒙旌表

汪氏徐某妻萬曆四十二年御史趙應元疏畧云十九于歸未及期而良人早逝廿年守志不移時而姑舅雙亡准旌表建

坊

陳氏庠生林廷邑志作廷模妻歲貢生恩之女嫻習詩禮年十七適

林未逾年夫病劇製木主授氏而卒氏自縊家人壞戶救甦血貫雙眸乃強起事舅姑盡孝年五十病且死治棺自題曰復主廬遺命與主俱瘞其故篋中有橫江詞云日落孤帆盡江流片石微千秋盟白水不逐海風吹蓋自謂也然生前無一字示人萬曆四十二年旌表建坊

王氏袁文任

通志作文仕

妻

何氏袁希詩妻王適文任甫二年文

任性孝友以兄冤代刑斃杖下舅姑年老遺孤希詩僅閱月王苦節至年八十病篤希詩妻何氏刲股救之又四年乃卒天啓四年賜坊曰節孝流芳

余氏進士樊玉衝繼妻衝歷宰南城崑山氏相之以廉著衝沒謚孝介家貧甚氏勤苦奉姑立從子維孝為嗣一女適漢陽

李應楠苦節四十餘年天啓六年詔以廉貞雙美旌之

袁氏賈燿妻年十四適燿二年而燿沒遺一女氏攜歸依父以居茹素飲水清苦萬狀迨女嫁誠曰自汝父死我眼未嘗視男人女人一世不可輕視人也卒年六十有六

李氏庠生王相妻年二十而寡子崇擢僅三歲食貧教子以孫用子貴受封並旌表

宋氏鄭一魯妻一魯省父四川還至巫峽溺死氏年二十一聞訃觸牆幾斃矢志守節撫二孤成立衣惟麤麻足不越閩歷五十三年卒

劉氏庠生杜桂芳繼妻年二十七夫沒氏撫孤琬以節終流寇陷城廬舍俱燼氏柩獨存人以爲苦節之報

熊氏於伯貴妻 張氏舉人於廷諍繼妻伯貴早沒熊苦節五十餘年壽八十孫廷諍亦早卒張年二十四孀居四十餘年奉旨建坊賜額曰完名全節

雷氏詹景麟妻年十八于歸事舅姑孝越八年夫沒夫所撰著親檢成帙出入以禮自持有姊適同里張澤澤既貴姊有餽遺屏不受教二子有法及孫時明遂為名儒年九十六卒

胡氏曹獻甫妻年二十二夫沒守節撫孤孤尋天母與兄弟欲嫁之誓死不變伶仃紡績年七十二卒

何氏貢士王箕繼妻知府何晚齡女年二十夫沒子鳳閣在襁褓依夫前室子孝廉鳳陽以居苦節四十八年卒鳳閣子都諸生都子欽濂見宦蹟

陳氏知縣王欽濂繼妻 杜氏舉人王承啓妻陳年二十七欽

濂沒撫二歲孤承啓苦志訓迪舉於鄉尋卒婦杜年二十四孤懋德甫八月茹荼飲泣養姑教子四十餘年後懋德成進士官知縣

國朝康熙二十九年以雙節補 旌

陶氏牛斗妻黃州衛指揮牛可耕母也娠三月而夫沒可耕生保護尤苦可耕得襲祖職耕子若麟成進士官御史氏且百歲疏請旌表

屠氏張懷楠妻年二十五夫沒家貧更值荒亂兩子繼沒孑然無依汲水負薪以自給年逾七十卒

余氏舉人曾齊賢妻年十九夫沒撫二子克明克修迄成立苦

節五十年大學士姚明恭疏請旌之

蔡氏庠生黃榜開妻 鄧氏黃文宗妻蔡年二十夫沒守節撫孤文宗娶媳鄧逾年文宗復沒生遺腹子燕裔姑媳共撫之以雙節稱

陳氏庠生何高甫妻年十九夫沒遺腹生女相依終身年六十九卒

杜氏庠生劉晉運妻年二十三夫沒子隆譽尙幼忍死撫育時訛傳有富室求婚氏引刀自刎因救免苦守以終

王氏庠生汪繼周妻年二十三夫沒無子思殉家人持之乃終喪閉處一室僅畱牖納餽粥年六十病劇且死始開關治後事焉

余氏宋蒙妾蒙妻劉舉子女各一余無所出及蒙卒劉他適余

辛勤育之日事紡績非丙夜不休壺政嚴肅親屬莫敢窺其門踰三十年忽謂子廷琦及女曰吾命將盡不能終視若輩惟望若輩為上流人耳越數日無疾而逝時年五十四

史作二十

欽氏庠生余大鈞妻隨父取任蔚州倅贅大鈞於任未一載歸黃而大鈞沒氏年僅二十守節撫遺腹孤卒年六十

陳氏王朝文妻年二十二夫沒撫孤子維繼為諸生守節五十二年卒

王氏武舉蕭鄮侯妻年二十夫沒撫遺孤箕為諸生家貧事舅姑孝年逾八十卒孫之年舉人

王氏黃正存妻年二十七夫沒家貧撫三歲孤紡績自給年六十八卒

李氏熊行之妻年二十四夫沒家貧遺子二氏守節撫孤事舅姑孝年逾七十卒次子飛雄諸生

劉氏邱九圍妻夫沒子玉崗甫週歲氏勤苦撫育成立凡歷六十餘年八十七卒玉崗亦以孝稱

王氏周升岐妻年二十一夫沒家貧甚撫孤學易艱苦萬狀誓死不渝年逾七十卒

汪氏庠生吳茂兌妻副使士瑞孫婦也年十八夫沒撫孤景星事姑孝守節四十五年

曾氏庠生周之誥妻夫沒無子苦節自矢卒年七十

余氏陶莘野妻夫沒無子氏守節備極艱辛事姑以孝稱撫按額獎之邑長史邱民心為之傳

蔡氏易明虛妻年二十四夫沒遺孤二長僅數歲次遺腹生家貧母家欲嫁之氏誓以死守事姑孝守節五十年卒

吳氏熊爾興妻年二十四夫沒事繼姑孝撫孤文華為諸生屢經寇亂卒全其節年逾七十卒

趙氏汪晨妻年二十二夫沒遺孤應秋甫二歲氏撫之成立奉舅姑殯葬如禮守節六十年足不踰閭年八十二卒

姜氏庠生陶旺妻年二十四夫卒撫孤守節四十四年本縣王志補

何氏張凌雲妻 阮氏諸生程彭時妻俱年二十餘夫死家貧無子孝事舅姑苦節終身

桂氏孝子唐治妻治死於孝遺孤二氏苦節教育之兄弟貧
勤業不忘訓迪

李氏庠生徐天初妻年二十七夫沒課子斐雲相繼為諸生獻
賊陷城被執勒氏為纜不屈死斐殉詳孝友

李氏張問達妻年二十一守節獻賊陷城氏投井死

郭氏易為禧妻禧早卒氏守節十餘年崇禎癸未獻賊破郡城
不屈死 郭氏易為祉妻與為禧妻故姊妹也賊襲山寨氏
被執不屈賊怒撻之斃復刃刺之子時弧同遇害

胡氏陳順道母 湯氏陳順道妻 李氏陳由道妻湯李俱守
志盡孝明末寇至二人棄子扶姑胡逃避姑以衰朽不忍累
二媳乘閒自縊二媳痛甚亦自縊鄰里歛三屍瘞之縣志入烈婦今

此移

程氏贈文林郎王追駮妻年二十八獻賊破城氏與駮竄居武
湖舟邸駮病沒三孤各隨乳母未審存亡氏脫簪珥倩人涉
險徧訪得之扶駮輓赴鄉依外戚居苦節四十二年長子之
鯨順治庚子舉人

羅氏同知何世遠妻遠卒於桂林無子氏扶輓還楚涉險五千
餘里途遇盜殺其僕劈其棺氏身護之亦被重傷歷盡艱危
始得歸葬苦節以終以上王志

汪氏易明著妾夫沒氏撫嫡子女恩勤育閨下逮諸孫治家勤
儉有法守節五十五年卒

劉氏庠生易遂之妻年二十三夫沒守節撫二孤教之成立次

子道位諸生

王氏易建之妻年二十四夫沒遺子道備氏矢節撫之族有利其家貧者謀害孤氏辛勤保護得無恙

趙氏易道敏妻年二十七夫沒書篋外無長物氏撫孤紡績自給寇焚其廬百折不渝卒年五十一

柴氏庠生易為經妻年二十九夫沒遺瞽子及一女子天氏苦節以終女適方姓罵賊以烈死

陳氏易明晉妻 董氏易儀之妻 陳氏易儀之妾 應氏易道端妻人稱三世四節

葉氏易明序妻 蕭氏易德之妻 王氏易明占妻 余氏易傳之妻俱姑婦雙節

段氏易念之妻 郭氏易念之妾共撫庶子以嫡庶雙節稱

陳氏易依之妻 陶氏易從之妻 周氏易道新妻俱年少守節撫孤

邱氏陶鼎妻 徐氏陶以陽妻 戴氏陶瑗妻 蔡氏陶世儒妻 魏氏陶思魯妻 熊氏陶思仁妻俱年少守節

鄒氏庠生王之經妻年二十三夫沒撫孤成諸生尋天氏挈一老婢獨處樓上守節四十餘年卒

林氏庠生陳繼善妻年二十五夫沒守節撫孤夫兄弟欲嫁之氏刺目自矢值寇亂備閱艱險家道以興撫二子士閔肇遠俱諸生卒年六十七

靖氏舉人魏師田妻田沒於京邸氏依父科元避寇山中元闔

家死氏藏石窟得免撫孤成立守節四十餘年卒

萬氏靖天錫妻錫沒於小崎兵難氏年十九攜孤必純得脫又遺腹生子嘉植並教之成諸生

李氏庠生蕭璧妻年二十二隨壁避難罵賊死賊逼氏不屈挺刃交加無完膚賊去越三日復甦苦節四十年撫孤邦符為諸生

羅氏易明微妾微及妻俱沒遺孤甫五歲氏撫之艱辛備至伯氏利其產謀害孤氏籍產付之丐餘以存孤及長乃大會族里收還所籍產

甘氏陶克順妻克順從戎麻陽死氏年二十四止一女誓死守志事姑孝卒年七十四

楊氏易崑生妻年二十二夫沒生子甫歲餘氏矢志苦守紡績自給撫孤成立年八十卒

樊氏晏霽明妻副使維城女博通書史明隨父清沒於鬱林氏扶櫬崎嶇數千里得歸葬自是長齋誦佛苦節而死嘗為文祭夫略曰子孫同稻蟹之無遺夫姑已若教之不食孤忠淪落撫時而泣文山未亡飄零逢人而思范式風鳴鶴唳皤身獨竄蒼梧瘴雨蠻烟離魂誰歸赤壁

張氏萬五玉妻幼明大義夫沒無子毀容自矢撫從子年鼎為嗣守節三十年卒鼎成諸生能守母訓

萬氏陳季昌妻夫亡守節明末攜子道平避賊許子灘賊追及氏奮袂投江中有物承之浮十里得免道平得舟亦免漢陽

熊伯龍為撰奇節記

徐氏庠生姜璽妻夫沒無子依女以老守節五十年卒

張氏庠生樊玉衢妻夫沒三子俱幼氏茹苦撫而教之維域成

進士維鼎維忠俱諸生守節三十餘年卒

樊氏庠生何昌祖妻年二十七夫沒誓死撫二女遣嫁畢獨棲

一樓三十年以全節稱

王氏庠生王憲伯妻年二十二夫沒子女各一姑老且病氏割

股以進姑愈後子女俱夭熒子終身卒年八十四

余氏庠生鄭季良妻年二十九守節事姑孝撫孤二一洪舉人

官知縣一灝諸生氏卒年八十五

易氏朱光坤妻夫沒無子苦節依從子以居閉室誦經不見一

八年六十九卒

王氏何昌祚妻夫沒無子終身衰經閉居一室三十餘年一日

櫛笄扃戶而死

甘氏王學任妻年二十八夫沒守節事姑孝撫孤成立卒年六

十二

王氏庠生易學汾妻賢而有勇年二十二避難遇寇氏抱子持

槍連刺三賊得脫比歸學汾已沒苦節撫子康時以文行稱

康時妻死撫其子德宣成立而天復與宣妻方氏撫其曾孫

嘉會方守節六十二年卒王年九十九卒嘉會亡妻馮無子

守節以終康時門人王道明為立三節傳以上

葉氏庠生曹激揚妻崇禎十六年流賊陷城激揚殉難氏青年

守節卒年七十

戴志採訪

以上節婦

烈婦

項氏李富妻正德間為流賊徐彥明所劫氏給賊防閑少疏投

江死

盧氏劉鵬妻夫沒痛哭嘔血自縊死嘉靖中旌

杜氏州判秦一才繼妻雲南大理人一才倅大理雲龍州娶為繼室氏年僅十八一才年且艾無子或慮其不能偕老氏曰不能偕老獨不能偕死乎未幾一才自雲龍歸黃岡屬其族弟繼宗經紀後事一才卒氏請繼宗為治兩棺宗如其請氏服斬衰答弔客曰吾不欲客謂先夫無子也自藝自紡成布以散婢僕三年喪畢服醜以殉蓋初嫁時所攜也血漬五官

猶自拂拭不假他手臨絕乃令加故祿衣於衫上

樊氏按察使杜應芳妻年七十獻賊破城氏白髮皤皤坐堂上賊亦不欲加害會見眷屬受侮大罵遂被戕

樊氏舉人王一翥妻獻賊破黃氏被掠至三江口賊逼之罵曰我天下名士妻爾敢辱我賊問姓氏曰吾夫黃岡王子雲也賊笑曰名士有何官職氏曰卻不作賊乘閒遂大呼尋子二字躍入江死一翥後以尋子名其集

屠氏王二林妻被流賊執大罵引頸受戮屍彌月不壞

王氏李君實妻遇流賊不屈乃先屠其舅姑及夫仍不屈賊猶無意殺氏氏奪刀自刎死

曾氏吳周封妻性介不苟言笑勤紡績佐夫讀書不繼則典簪

珥無難色遇流賊瞋目大罵不屈賊未忍殺氏度不能免抱
七歲女奔赴賊所焚廬舍中膚髮立燼賊義之拾其骨裹以
白絹瘞之再拜而去

蕭氏庠生黃正遠妻為流賊執大罵見殺事聞獲旌子文繡舉
人士錄諸生

王氏同知奚祿詒妻通孝經及楊慎史談獻賊破城隨夫避亂
於大冶之駕虹山下祿詒為土賊石可鼎劫去氏投江死惟
八歲幼子在旁及祿詒脫歸氏死已十餘日後封孺人
倉厥烈婦不知姓氏獻賊破黃殺人盈城黃岡李拱祝走伏城
外糧倉下見賊以行籐牽一美婦至坐倉畔石砌上年二十
餘抱半歲許兒賊解行籐求歡婦怒罵之脇之以刃罵益厲

復置刃婉求之終不屈賊斬之首墜五六步脰血濺賊身猶
抱兒端坐不仆

李氏朱日灝妻幼通書史遇流賊不屈投並金甯湖中死四日

浮出顏色如生王志原文考縣王志作
被殺越七日得屍少異

王氏庠生易道尊妻崇禎乙亥二月與二女為賊所迫躍入塘
攢石破腦母女沈水死

熊氏易道一妻賊至奔山谷賊退子為璘野哭求之七日獲其
屍刃痕叢聚血漬衣裾

汪氏易時昇妻避賊天井畝賊至被繫奮罵賊怒斷其首懸樹
上一子甫晬乳婢為匿積草中以免

陳氏易吉甫妻聞賊警以麻徧束其身及為賊掠不屈作炬焚

之罵聲激烈而死

華氏易瞻明邑志作道且妻為賊所迫躍入池中賊亂刃攢死

周氏易道重妻避亂洞中為賊所得驅之不行殺之屍坐於岡

上

易氏庠生何剛妻易仰之女罵賊被磔

易氏庠生夏繼璜妻易文我女素喜讀女誠繼璜死於賊氏守

節撫孤賊至抱幼子厲聲罵賊怒刃之舉火焚其屍

易氏庠生何際時妻易道且女遇賊奮罵不屈死

易氏李爾常妻易道位女賊襲山寨氏泣謂母曰與其受辱生

毋寧潔身死自投懸巖而斃

易氏劉伯昇妻易道傳女賊至抱一子藏叢莽中賊搜得之亢

聲大罵刺之不畏賊縱火被焚死

易氏方爾聞妻易為繼女遇賊被繫大罵賊刃之膚盡裂猶聞

罵聲

陶氏易為瑾妻城陷扶姑王氏登埠賊至厲聲罵賊賊迫之同

姑墜城死

杜氏監生王封帶妻年二十夫沒無子日夕嗚咽柩側不食死

樊氏庠生杜鈺妻鈺弟鏞溺於江鈺赴救俱死氏年二十九攜

幼孤迎屍殯於堂慟不欲生喪畢語其子曰兒長不須我矣

不食死以上王志參縣王志

牛氏洪有奇妻于歸逾年夫沒氏痛哭淚血淋漓而死其兄若

麟為請旌表縣王志

殷氏汪鼎臣妻姑與夫避賊山寨寨破被殺氏值母病歸省聞之布奠江濱號泣投江死

張氏王躬靖妻年二十三靖殉獻賊之亂氏聞訃曰吾夫忠義不屈死吾何以生為遂焚香叩首入室自縊死

姚氏贈太僕卿王一桂妻 邱氏王一桂妾一桂死昌平亂姚與邱及子女二十七人俱投井死

劉氏贈光祿卿周之訓妻 楊氏 王氏俱周之訓妾之訓死濟南難劉與楊相持入井死王自刎死

吳氏庠生樊維清妻奉姑避難氏為賊執欲犯之氏以手抓賊面罵曰吾父按察使吾夫名士賊子何敢爾賊怒斷其手與耳賊去其母家婢為尼者適見之掖入廟次日姑尋至氏語

姑曰吾可以對吾夫矣又曰姑老矣淚雨下不復能言握姑手而沒

王氏易伯昇妻遇賊投水賊擊以石破腦與女俱溺死

李氏庠生潘南嶽妻避亂武昌縣遇賊以烈聞武昌府志

邢氏庠生胡珙妻江夏人歸珙避亂鄂城城破居鄰皆逃氏曰

女人面目可令賊見耶投井死

熊氏汪邵孫妻義士熊雷之姑也城破自縊死

鄒氏余明貴妻年十七適余獻賊陷郡城驅之行投塘死賊退鄉人收葬之身帶箭及重創數十處

夏氏庠生熊兆聖妻避亂山寨寨破氏投水死

鄭氏蕭某妻其夫為四川黎雅營弁氏避兵憩郵亭見柱有驛

梅驚別意隄柳暗離愁句遂成十絕聖書於壁自經其旁其

七勦夫云日星浩氣在人閒立志當如張別山音信須憑隴

外寄暗傳汝婦已投纆見者傷之

楚北詩佩

尹氏林廷爵妻崇禎丁丑為賊所掠氏搶地求死罵不絕口賊

刃之裂其屍

梅氏謝宗湯妻獻賊之亂為賊所執大罵而死

邱氏黃名儒妻年十九儒客於外流寇至里人促之避氏以少

婦不可令人見攜幼女投塘死

劉氏包明文妻避賊山寨寨破賊執文氏泣請以身代文得逸

去賊欲逼之奮罵而死

楊氏邱翊運妻崇禎癸未避獻賊亂至大士閣磯為賊所執逼

登舟氏奮罵投江死

縣王志補遺

某氏舉人汪建遇母

杜氏汪建遇妻某與子媳避賊山寨寨

破某投巖死杜泣屬遇潛逃遇未肯杜曰君慮妾為賊污耶

請先死以明妾志亦投巖死

田氏布政使吳思溫妾

游氏吳思溫子媳及兩女寓居武昌

崇禎十六年獻賊陷城氏聞溫殉節相率投井死

陳氏吳岳母

朱氏吳岳妻朱年二十四夫沒守節事姑陳孝

明末流寇將至陳自揣恐累媳投井死朱覺棄子廷朝於道

亦投井死里人名為節孝井至今石封不啟

易氏何石父妻遇賊被執受重創死

甄氏刑部尚書甄淑女適生員於斯來來早卒氏貞潔自守崇

頑癸未獻賊破黃州以罵賊死倍極慘酷新採補輯

邱氏博士黃正元妻 朱氏庠生黃正珩妻 朱氏黃正亨妻

俱明季遇賊不屈死節以上縣志 烈婦

貞女

陳女知縣陳相道女通論語許聘汪二南未嫁二南卒女毀容

誓不再字父母嘉其志製斬衰歸汪成服苦塊於二南靈右

者三年卒年五十七

余女余家店余君儒女未嫁而婿夭有熊宦欲購之女毀容矢

志紡績自給依父母終以上志

朱女許配張倫未婚倫病劇請於父母親侍湯藥倫沒守貞不

返卒年八十八萬曆四十四年旌縣志補遺

余女安湖余承靖妹許字張氏子張子幼為賊掠父母欲更嫁

之女曰吾已許張矣閉門誓守五十餘年終以上貞女

烈女

劉女父負薪為活正德間流賊過黃見女殊色欲亂之女給賊

以飾妝請賊置女舟中投江死

張女未詳何許人嘉靖閒父挈居團風鎮女工詩其父先有所

許已而悔故徙居此有富商謀娶父許之女曰兩髦何在遂

至此平引刀自剄遺詩云搖落林居風日清黃花白露客心

驚頗傳信美非吾土卻憶飄零卽此生隱几晝曛飛海嶼杖

藜秋色醉山城年華轉換俱陳迹底事猶牽世上名

陶女名足大陶成芝女年十四許聘朱廷傑廷傑死女欲往奠

黃州府志卷之二十六
母堅止之涕泣竟日自縊死

易女易道光女字孫某乙亥遇賊不屈死

易女易道光女字熊友嘉仲子某養於熊賊襲白雲寨熊子被

殺女憤罵號哭賊攢刺之死

參王志 戴志

團風鎮烈女逸其姓氏明季獻賊破團風女登樓避賊招之不

下焚其樓女掌痕殷然頽牆間過者恆相指示

金女鴨蛋洲漁家女崇禎末許字李某次子比長李子庭呆日

甚謀於金父母欲以長子配之父母許諾女聞悲憤曰此何

事而可以移易乎父母強定婚期先一夕女悉縫周身衣夜

半投江死

以上 王志

竹瓦鋪池邊烈女佚其姓氏賊至女結衣履自縊於池邊樹上

邑人易為鼎為記

縣志 王

樊口烈女不知姓氏年及笄未嫁左兵東下過樊口掠置馬上

以手侵其乳女怒齧賊手不得脫賊眾斷其首批其頰齒已

入骨賊剝肉出齒頃刻死

詳武昌 縣志

以上 烈女

孝女

朱女通政使於倫妻隨倫萬安縣任聞母死廢飲食哭泣五日

而卒萬安人立祠祀之事聞獲旌

王 志

蕪水縣

節婦

王氏甘原禮妻適原禮甫二年禮亡氏年二十四甘貧守節五

十二年洪武初旌表

一統 志

潘氏李渭妻永樂時人年二十三夫沒踰七月生遺腹子守節
歷五十九年卒

呂氏劉永釗妻年二十四夫沒父母欲奪其志引刀破面誓以
死守歷五十八年事聞獲旌子淳以孝稱

胡氏汪弼繼妻 楊氏汪弼妾弼卒胡年二十三楊遺腹生男
兩人誓死共守織紵自給事孀姑以孝聞時稱雙節

楊氏王仲謨妻年十五適王越二年夫沒父強之再適氏斷髮
自誓敬事舅姑撫遺孤以完節終

胡氏周道妻宏治時人年二十夫沒子鳴球在襁褓舅姑憐之
令再適氏以死誓守節六十年卒

楊氏周鳴復繼妻景春女年十九適周逾年夫沒無出撫夫前

室子延祚如己出孝事舅姑至老不渝

程氏李黃妻鄉賢李宗元之冢孫婦也年二十五夫沒治葬即
成二槨虛右自待言動一秉禮法簾幃肅如遷舅姑葬立嗣
子俱竭心力施建六神港石橋邑人賴之有司屢旌其門年
八十九終

鄧氏張存貴妻家貧早寡翁年九十病篤無從得藥乃齋沐禱
天割股以進一服而蘇氏卒年七十二

何氏諸生蔡寵妻年十六適蔡越二年生子際盛甫百日夫沒
守節撫孤歷五十九年卒

楊氏庠生徐尙國妻年十八夫亡遺腹生子鉉撫之成立姑病
割股以進萬歷四十三年旌

劉氏周鳴洛妻年二十餘夫沒子延甲僅三歲次尙襁褓氏辛勤撫育苦節四十餘年後延甲及孫之士俱鄉薦

楊氏周延祚繼妻年十九夫沒無子父母欲奪嫁之氏以死自誓撫前孤如己子苦節以終

胡氏李彰芳舊作漳今改正妻年二十二縣志作三十夫卒子幼誓志守節

家人待之少恩母家亦憊置不顧氏憤勵課子勤女紅以終鄭氏舉人易文訓妻 李氏易文誥妻文訓會試卒於京鄭喪葬祭祀依家禮舉行夫弟文誥妻李生子偲甫八月誥沒家貧甚鄭偕李誓死苦守人稱雙節

廖氏袁正魁妻年十八夫沒撫孤守節五十八年終萬歷間知縣具詳申院畧云白屋甘貧青年砥節引繩卻聘猶存項下

之痕拾穗存孤常灑指中之血受盡五十八年之苦方完七十六歲之貞事聞旌表

潘氏李學妻年二十一夫沒家貧守節撫從子以終

羅氏郭廷庠妻年二十八夫沒家貧撫二子親操井臼織紵以養舅姑年六十八卒孫士望官祠部請旌

湯氏庠生楊伯亮妻年十九夫沒矢志守節撫孤繼震成立為諸生氏卒年七十五

畢氏庠生李浹嗣妻年二十七夫沒矢志守節課子若嚴師卒年六十五官師表其門

蔡氏庠生楊學浦妻年十八夫沒苦節五十年終

畢氏王望民妻年二十三夫沒遺腹生子宗竑辛勤撫育歷五

十餘年孫士廉諸生

袁氏程若召繼妻夫沒矢志守節四十餘年初撫夫前室周氏

子如己出夫遺產業半予前子半與己五子人稱其賢後五

子俱入庠孫會聯登科第參縣志

孫氏張邦恆妻年二十五夫沒子五衡甫四歲氏茹苦自甘織

紵以資五衡讀後衡中順治戊子鄉試氏卒年五十

宋氏邑志作朱氏華甲妻年二十二夫沒苦節五十四年以上王志

林氏徐存念妻夫沒氏年三十遺孤三教之成立奉孀姑尤謹

年六十一卒後裔以科甲顯

周氏朱朝吉妻字德芳博覽經史工詩文適朱數年夫沒守節

年未三十亦沒著有鳴翰集以上縣志

吳氏蔡應兆舊志作乾妻應兆以繼母奇嚴逼之自縊氏年二十二

痛憤死守姑復強之他適氏百折不回憂虞險阻歷三十一

年崇禎十六年獻賊屠城氏大罵為賊殺王志

陳氏庠生南有恆妻夫沒一子仲甫八月氏苦守撫之成立歷

二十六年崇禎十六年遇流寇氏殉難仲膺

國朝順治戊子選貢為澄海令

李氏南邦鼎妻貢生李仕女年二十六夫沒無子矢志守節崇

禎十六年遇流寇殉難時年六十以上縣志節婦

烈婦

徐氏程安國妻夫暴病外戚家有張某力為求醫不愈竟沒氏

慟絕不飲食歛夫葬為兩壙虛一待已悉檢什器奉姑曰媳

不即死者為夫疾時特勞張君未謝故也頃張君來弔氏備

酒食拜謝畢遽投夫墓側池水死時年十七

本通志一
統志補

申氏李新期妻夫沒土豪李豺強委禽焉氏斷髮不從豺劈門
縛至其家乃自縊死

陳氏年十四適鐵匠周世文姑寡贅夫蔡鳳鳴窺氏少艾挾姑

勢百計迫之氏堅拒不從告太姑曰兒不能為狗彘行也夜

自縊死鄰黨喧傳聚觀烈日中面色如生耆儒謝朝宣皮子

怨摘文祭奠進士何文興為作傳

尚氏詹某妻流賊至不及避踞坐大呼曰死即死耳不能向汝

賊求生遂遇害

洗馬販婦某氏為賊所執不屈賊刃其腹一手抱嬰兒一手捧

腹使氣不即盡以待夫夫至付兒放手而斃

明史

李氏庠生何之旦妻崇禎八年流賊至斬執而逼之去不從則

眾挾之李罵益力齧賊求死賊怒刺之創徧體未嘗有懼色

賊斷其頸死從婢阿來抱李幼女守哭賊奪女將殺之不與

伏地以身庇之刺數十創婢與女俱死

明史

畢氏徐一三妻崇禎十年為流寇所執氏大罵曰我夫與父兄

皆何如人而為爾辱耶自已達午罵不絕口卒不屈賊殺之

後請旌

柴氏庠生郭鞏妻流寇執而逼之氏罵曰余家累世清德安能

從賊求生可速殺我賊就背砍之見肝而死

吳氏庠生郭瑄虞妻武昌縣貢生吳如揆女流賊破寨殺瑄虞

擄氏氏慟哭願與夫同死遂殺於瑄虞尸側案縣志列國朝今仍王志

原列

孟氏王靈妻崇禎八年罵賊被殺是日王教民以子代父同時死邑令龔鼎孳為作王氏表異傳

李氏庠生南有杞妻周氏南之傑妻李於崇禎十年流賊破

寨被執促之上馬厲聲大罵賊乃刺殺後以子之傑貴贈孺

人周於崇禎十六年亦以烈殉後以之傑繼妻高氏子夢班

貴贈宜人

姚氏庠生南士華妻相國姚明恭姪女明季賊破寨夫被擄痛

哭號救賊以兵威之氏曰吾以得死為幸被賊殺

南氏庠生游文錦妻庠生南望斗女適游生子一值流寇掠野

猝不及避與婢一兒匿於林中屬夫負子去且訣曰如被獲

誓不與賊俱生後賊搜獲逼之據樹罵賊不屈賊怒殺之後

文錦返至林中見氏兩眼俱淚手猶抱樹不解一兒身被數

創氣尚未絕

周氏副貢徐蕙映妻邱氏徐暹妻周為延廉次女與姊德芳

兄之冠之篆俱有才名及適徐閨中唱詠盈帙崇禎十六年

流寇陷城與夫俱死其子暹好學自書屋縫城脫走邱亦投

潭死

吳氏庠生蔡應渚妻廖氏蔡應渚繼妻吳於崇禎十年遇賊

不屈投水死廖於十六年城破抱子同溺死

蔡氏舉人楊簡妻年十六適楊崇禎十六年寇至簡攜二子避

賊江南雷氏在城臨行屬氏曰可出則出毋蹈險以自辱也
三月城破氏謹奉夫言遂殉難成節

胡氏錢應運妻崇禎末流寇屠斬氏抱幼子走避遇寇令去子
以從氏指罵不輟賊怒兵之既死子猶在抱僵立不仆人咸
異之因名其子為成節

鄧氏陳所望妻崇禎末流寇突至望以搬糧入城未出氏急挾
子心壽匿河巖中被賊搜獲推兒入河挾氏上馬氏堅拒不
從投地者數次賊怒曰不去即殺氏大呼曰甯殺不去賊遂
殺之

鄔氏徐文觀妻 張氏徐文觀媳崇禎十六年流寇襲斬觀父
母新殯見賊勢熾城且晝閉不敢啓因縋柩出城安厝屬氏

暫偕子媳居守三月初六城陷賊眾提刀入室逼氏及其媳
擁之去鄔給之與俱至南關外湧月臺下投河死時年三十
三張年十五亦赴水死以上縣志 以上烈婦

孝婦

汪氏壽光知縣蔡國琦妻姑病劇氏侍湯藥不倦兩次割股以
愈族黨異之

徐氏蔡國嵩妻國嵩幼失明氏父議悔婚氏年十一聞之泣訴
於父曰女無再許曷為寒盟議遂寢後歸蔡生子二俱為諸
生

袁氏程社妻有懿行孝事舅姑相夫無違教子有方鄉里則之
稱女中君子後子孫以科第顯以上縣志 以上孝婦

烈女

王女名夢貞王論女笄而未嫁曾祖母喪女翁及壻行奠讀祝有輕薄子歸言得覩女女聞之曰女子義不受誣遂憤罵不

食三日自縊死

論葬之妻錢墓側鐫詩碑陰時嘉靖二十七年冬季事也案邑劉志云國朝順治十四年修志求得殘碑歷百年方得表彰足徵貞終不泯云

麻城縣

節婦

鄒氏主事李文祥妻夫謫死氏年三十苦節四十餘年王世貞題其家云一門七節萬里孤忠蓋氏後一門繼者有六節婦云

劉氏周宏祚妻劉端簡公采季女夫早沒守節三十餘年坐卧

一樓執翁姑喪盡禮以節孝稱通志

毛氏劉文

縣志作劉守蒙

妻侍御毛聚峯女幼工詩年二十四夫沒矢

志不渝年逾八十卒事聞旌表刻有毛文貞詩集

李氏王師妻師卒氏年僅二十餘越兩月生子山玉鄰媪勸其

改適氏泣曰我餘生與此呱呱隨分待盡而已其叔母亡遺

一女氏更撫字之等鄰家火起氏捨地呼天同一老僕扛夫

柩出輕若神助自是家業盡焚饑寒益甚終無怨言泊山玉

能讀書力奉甘旨無缺以壽終一統志

李氏王埏春妻前鴻臚李長至女土賊徐大元等乘亂殺埏春

父子祖孫五人氏冒險奔控破家賞擒諸賊當道置之法氏

請得逆首祭於夫墓哀感路人後服素茹苦以終以上王志

唐氏鄒友二妻夫沒守節撫孤其翁老惑於繼姑劉氏百計逼之嫁氏引刀截耳示以死守後以完節終

宋氏廩生胡石銘妻生二子一女石銘病殂氏慟哭死而復甦者數瘞畢躬績以撫子女時有舉人江某欲娶之遣人踵門氏大罵某強逼之氏攜子女謁中丞梅之煥白其事梅深嘉而憐之召江痛責遂寢氏歸激烈不自忍大哭於夫靈次請從權以完名節遂削髮為尼並二子一女皆披剃焉杜門不出作苦如初後兵荒洊至力不能支越數年氏卒二子終於僧岳州教授王琬曾為行狀記其本末

劉氏周某妻

兩見學校節烈祠祀其一自屬前周宏祚妻一不詳夫名今補列此

李氏

案王家樓街有石碑上鐫節孝李氏坊中鐫奇烈幽貞四大字旁鐫嘉靖三十六年丁酉歲邑尊吳暨闔邑紳士同

立街後有節孝李氏墓夫家及生卒年月失考

以上縣志

以上節婦

烈婦

張氏知縣劉漢妻漢任商水知縣流寇至城陷氏同女鸞山死

土窟中正統中旌

王氏梁某妻

本學校節烈祠祀補

李氏舉人周宏烈妻年二十夫病願先死以明志及夫危不食而死次日夫乃卒

喻氏舉人周宏祁妻夫沒以憂毀殉夫弟宏禰稱氏大節似其父希禮云

李氏知州王寵麟繼妻年二十夫沒子幼氏哭泣不食經四十日而疾革知族眾將不利於孤豫戒家人置棺中勿封殮族

眾果蝟集謀孤殺母氏從棺中言已知汝輩計必出此矣眾

大慙去氏乃瞑目

鄒氏董應長妻夫沒觸棺頭裂姑與母抱持之勺水不入口者

六日遂絕事聞旌表

余氏葉振華妻隨夫避賊於斑竹園勢危急度不能免遂自經

夫解救數次抵暮乘夫不見縊樹間死

董氏庠生戴崇禮妻年二十偕夫避寇時子曜甫六月餘授之

乳母屬善視之行至楊家冲遇賊猝至擁氏上馬氏奮身投

塘死

以上
王志

吳氏庠生王掄廉妻廉卒氏求死未得復念舅姑老孝養備至

崇禎壬午賊至氏被擄奪刀自刎死

李氏馮通志作
馬誤玉二妻夫沒氏年少翁姑欲嫁之氏號痛不已

並舉所受田地盡還之翁姑惟率一婢紡績自給而仍供奉

翁姑如禮撫姪為嗣御史熊克美書節孝二字表其閭崇禎

癸未春流賊至氏率子與媳及婢奔避路與賊遇投河死

傅氏張祖望妻縣宦王仲韜婢也其夫久客於閩未歸主母逼

之嫁氏大呼其夫者三投懸巖死時年二十六

周氏周滴于妻夫遠貿崇禎乙亥氏被流賊擄去時同擄眾男

女俱長跪乞哀氏獨不屈賊必欲屈之氏曰頭可斷膝不可

屈被賊殺

鄒氏王山甫妻名勝大思直之女賊至氏先與夫約曰我若為

賊擄誓必死恐屍久難認我以耳環裏腳帶內為記夫識之

黃州府志卷之二十六
崇禎戊寅二月砦破賊擄氏及子女各一氏力持子女罵賊賊怒舉其子女撞石而死氏罵愈厲賊以木椿釘氏腹而死後九日夫往尋屍果不能認忽記氏言解其腳帶有耳環在焉見者哀之

毛氏庠生王汝楫妻進士祈蕃女也事祖姑與姑孝崇禎癸未五月獻賊破武昌楫攜家避亂爲賊所擄氏顧楫曰事急矣當以一死酬夫遂罵不絕口被殺

鄒氏王貞一妻名伯弟思伋之女歸王生子女各一俱被賊擄氏抵死不屈被賊剖胸死

楊氏韓某妻甫適韓卽爲兵掠抵死不辱自刎死

榮氏朱應麟妻夫遠館河南崇禎癸未春卒於館生徒扶輓至

以百金贖辭不受質衣物營葬畢從容自盡

羅氏庠生梁鎮妻 王氏梁孟孫妻崇禎乙亥寇至鎮與孟孫均外出羅攜王避亂於鳴山賊獲羅勒之上馬羅曰吾士人妻也豈爲賊婦延頸受殺王見姑死曰吾豈獨生賊亦殺之後人埋其屍於山麓

周氏舉人王山玉繼妻崇禎壬午七月流賊破砦氏露宿小舍產一男日嘔血數升旋被執氏罵不絕口賊怒殺之無血頸上有刀痕二白如練以上縣志 以上烈婦

賢媛附

會氏尙書李承祚妻御史曾筆山女嘗買新宅掘地得金數千曰宅乃新購金豈我有召原業主還之

吳氏保甯推官熊夔妻熟習經史手錄古聖后賢母孝女列傳

成集縣志以上賢媛

貞女

彭女幼字曹石霞次子及笄未嫁瘡病往侍湯藥未幾瘡沒遂

矢志終身奉侍兩姑撫伯氏子以承祀縣志

烈女

劉女名鸞山商水知縣劉漢女隨母張氏遇寇殉難

熊女諸生幼學女也許字劉康康遭疾且篤女齧左股肉遺之

為幼弟誤棄復封寸許父母遣啖康少瘥閱月死女聞訃慟

仆絕粒父母力救乃曰不令我哭弔於劉終不生於是偕之

往觸棺毀裂是夜自縊姑救解泣諭之曰吾子未汝諧何必

死女曰兒食以股即事以身矣不死何歸舉家防益密遂呼

父母與姑曰請許我伴孀姑終餘年姑喜諾女伴起櫛沐拜

康靈入室乃閉戶自撞家人破戶入已觸柱死矣御史舒鼂

給銀與康合窆事聞旌表復其家以上王志並通志一統志參縣志明梅國楨晚有詩

鄒女鄒思識女年十六未字父母早喪依兄居牛棚山崇禎辛

巳監軍孔貞會領兵至麻適兩兵入兄家窺女豔鞭兄欲挾

女女匿後圍踰牆出兵知之追至畝中女宛轉百計莫脫給

曰無苦相持吾隨汝歸又給之曰吾已至家將何往當許吾

櫛沐換去泥衣許之女人厨即拔刀自刎女叔諸生鄒思試

居城聞之走報孔給銀備衣棺封殮置兩兵於法邑人公舉

請旌以寇亂未行以上烈女

黃安縣

節婦

彭氏耿大賓妻年二十六夫沒遺孤二氏苦守終身未嘗齒笑
卒年六十六郡守孫表其墓

張氏王威妻與夫皆至孝翁姑暨夫相繼沒氏年二十餘撫孤
苦節數十年如一日邑令匾獎之

黃氏王惠妻年二十四夫沒矢志撫孤病不用醫曰嫌其診視
也亦不用禱曰天年果盡得早從夫地下足矣卒年八十二
孫三顧歲貢三極舉人

張氏蔡純仁妻 徐氏蔡純信妻張年十八夫沒舅姑逼之嫁
氏引刀截耳塞戶以居奉主牀頭蚤暮哭越數歲寇掠鄉村

舉家遁氏繫組於頸懸梁據几以待屬老婢曰寇如入門即
推几使得速斃寇過門未入遂獲免後純仁弟純信亦早沒
姊徐感之矢志與張同居諸叔奪其產志愈堅邑令聞而贖
之及卒各與其夫同穴

周氏張信妻夫沒年二十六苦守歲荒內艱外患以身捍之一
日斷炊池上有梨一株取其實蒸而食終不乞鄰貸粟艱辛
四十餘年卒以上王志

韓氏監生吳若傑妻夫故事衰姑孝撫孤成立

李氏庠生吳緒妻年十六歸吳性孝順娣姒咸矜式焉夫沒撫
孤教養兼盡以孫中理貴贈孺人以上通志

葉氏選貢彭鴻功妻兗州知府繩祖冢媳夫沒於外訃至氏哀

號慘怛投於池以救免及夫櫬歸攜三子環泣欲啓棺視眾止之寢苦樁旁葬畢矢志撫孤以完節終王志通志

王氏韓琮妻庠生王三輔女幼通書史嘗刲股救母以孝聞崇禎乙亥賊襲風水山琮父子俱被害氏受重傷死而復甦兄弟昇入城醫治乃痊時年二十九誓不再適居韓惟破屋數椽瘠田數畝以一婢女自隨織紵終日以給衣食足不出戶庭守節四十五年卒

趙氏監生鍾應造妻勤儉自持夫死氏欲殉鄰媪救之得甦撫孤裕淑夢齡俱成立

張氏李文華妻生有四子夫沒苦志教養有成年六十九卒

周氏歲貢吳大松妻 韓氏吳克塤妻周孝事舅姑和睦娣姒

氏本巨族而荆釵裙布若貧女然韓為長孫婦克塤早逝韓矢志自守嘗刲股以療祖姑疾節孝並著

葉氏彭守則妻年十九于歸進止以禮姑姒皆歡夫遭羸疾誓以死殉夫曰死易耳汝若生吾乃不死遂卒一慟幾絕繼而曰吾不難殉夫子死而難背夫子之屬我生也取夫弟之子為嗣勉終喪事歲時血流滿袖聞者傷之飲泣茹荼四十年如一日

張氏王世亨妻夫沒無子翁強之嫁氏曰下不能為王氏續宗祧上又棄其衰老之翁人將不食吾餘矣遂矢志守節撫夫弟成名養衰翁無閒以節終

鄭氏庠生彭承芳妻承芳早逝氏年二十六撫十月孤家貧耕

耘鋤口嘗遭儉歲併日舉火終不製衣無所怨尤五十年如
初志教孤德禎成諸生姓氏見通志

鄭氏王世臣妻 方氏王世巨妻 秦氏王正極妻鄭年二十

六夫沒撫遺孤至十三歲天夫弟世巨妻方年二十六夫沒

撫孤正極成諸生媳秦年二十五極沒遺孤三秦苦節自矢

孝事兩姑人稱王氏三節姓氏見通志

董氏秦尙樸妻年十六適秦越五年夫沒遺孤環甫二歲女僅

四齡氏悲號慟絕舅姑勸之曰與其從夫而死毋甯代夫養

親乎遂矢志撫孤事舅姑孝卒年六十見通志

耿氏周之復妻恭簡公女也年二十四夫沒子女俱幼腹尚有

娠痛哭垂絕願以身殉姑解之曰若念吾兒亦念吾兒有垂

白之母乎氏泣曰吾以其心死死者姑以其身生者乃密

斷一梳破一鏡置棺中孝事孀姑卒年五十四彌留之際召

二子曰吾向會斷梳破鏡以殉爾父存其半以待今日曷取

以殮言訖而逝女二一適王罵賊投井死一適詹早寡守志

終其身

黃氏劉廷諍妻年三十夫沒三子皆幼時夫柩在庭氏每事必

告鄰有失火者將及氏家氏伏柩大號願以身殉鄰媪急持

之終不動哭聲益哀火及屋椽桷半燬忽止年八十卒

馬氏葉明之之妻 方氏葉向華妻馬年二十二夫故遺孤二

歲矢志撫成有議再醮者則斷髮破面茹荼三十年邑令為

請旌子向華復天媳方能繼姑志撫幼孤至於成立年六十

卒

鍾氏徐國善妻年二十八夫沒苦節撫孤迄於成立且饒智力

內振家聲外弭侵侮時稱巾幗丈夫有司為旌其門

余氏孟淮妻少嫻內則長適孟事孀姑孝年二十五夫沒遺孤

二存誠存謨氏號慟誓以身殉姑止之乃苦守紡績以資養

撫又值寇警一身衣紉百結備勵艱貞卒年七十九孫應瑄

拔貢教授德安琮璜俱諸生曾孫之春廩貢之夏太學生氏

見通志

王氏秦文實妻翁學韶卒氏隨夫就館麻邑夫沒孤啓意年十

三邑豪某欲奪為妾氏知勢不可直拒給以少待期年豪信

之乃密與子運薪柩下然之佯驚失火拾骨於囊負之攜子

夜行晝伏山谷間輒迷所往有鳥前導抵家始飛去既歸葬夫骨於翁墓側教啓意為諸生

汪氏庠生秦際昌妻于歸越二年夫亡年二十撫孤琚芳五十

餘年俾入庠且誕孫七十三卒姓氏見通志

柴氏何邦文妻 滕氏何邦文副室柴適何無出邦文另納滕

氏置於別室生子應朝二歲柴年二十八夫沒將殉家有老

僕泣請曰主人有子安用戕生詢得實遂迎歸與滕並志撫

孤後配吳氏生子三遜貢成均述達皆冠小試柴年六十五

卒滕亦以節終朝續娶賀生子通成進士姓氏見通志

樂氏庠生石麟趾妻夫沒守節撫孤正嵩女喬大後正嵩娶妻

李氏生子作礪喬大年亦及笄賊至氏偕子女及媳走避遇

賊逼近持刀奪喬大氏救女罵賊死嵩伏母屍哭罵賊殺之
喬大被賊繫馬上乘閒拔刀刺賊目賊怒支解之時李攜作
礪匿藪澗中三日不食僅得免收三屍歸葬撫作礪成立補
弟子員娶妻生四子復值寇亂李卒以罵賊死一門之內前
後殉節者四人

劉氏丁遂妻夫沒守節歷三十餘年明末流賊破寨氏局戶將
雉經賊擊戶氏叱曰我節婦不可以面目見賊賊捥戶入解
其懸乃以頭擊賊被亂刃刺死家有二犬守其屍數日不食
死子斯昌諸生時簡廩生

趙氏夫沒伏其名守節避賊風水寨賊縱火焚之氏伏二子於牆
隙中以身捍火火洞兩腋終不釋手母子俱死三傳舊入烈
今仍從節論

秦氏江至衡妻生子女各一年二十四夫卒誓死不貳明季族
豪覬產氏力持不為摧折流氛方熾氏避居同姓西岩人多
欲逃氏訓子弟與家僕曰與其獨奔遇賊死何如同聚一處
有險可恃乎眾矢守禦卒賴以全孤天撫孫密成諸生嘆曰
書香有託可瞑目報先人矣年七十八卒以上
縣志節婦
烈婦

王氏庠生韓璣妻明末流賊至氏慮不測豫置雜刀衣囊中已
而遇賊不屈自勿死王注省志作韓生
璣誤今從縣志改正

某烈婦不知姓氏崇禎丙子流賊至罵賊不屈被縛於邑南彭
氏庭柱上磔死以上
王志

王氏庠生秦瑗妻崇禎乙亥正月初七日流寇至執其姑氏奮

身往救以頭觸賊罵不絕口賊擁之馬上批賊頰賊怒殺之
投其屍於塘水盡赤

某氏庠生秦珩妻適秦甫十月避寇山寨寨破姑被執同姒李
氏往救厲聲罵賊刃斃之無血痕殮時神色不改

周氏武舉盧舜臣妻性至孝樂施與嘗傾倉賑饑民崇禎壬午
七月初六夜賊陷城婢僕勸之行氏叱曰若獨不聞女子不
出閨門乎賊入室氏大罵遂遇害

見通志

周氏王有永妻當寇亂之際常語其夫曰時事阽危如此女子
之身名節至重非獨不可辱於賊並不可死於賊也及聞賊
至先自勿死

李氏王嗣杰妻隨夫入山避亂遇賊於道夫被刃佯死賊豔氏

不忍加害百計誘之上馬氏罵曰爾殺吾夫恨不殺爾取心
肝奠夫前以雪吾仇安能隨爾去也賊怒杖殺之夫甦終身
不娶

吳氏麻城庠生黃純武妻教諭吳采女也崇禎甲申五月歸甯
時流寇餘孽猶未盡一日賊暮至舉家驚散氏獨與一婢匿
樓上賊將逼樓氏謂婢曰吾義不受辱惟一死以謝父母取
石自擊其首血流滿面死時年二十七

麻城烈婦採自黃安志故列此

程氏李袞妻賊陷城氏匿晉井中賊入室執袞章縛之將加
刃氏憤極躍出大罵以身覆夫賊怒刀斧亂下被數十創罵
不絕口死夫得脫去

河邊烈婦不知姓氏明末流寇之亂被擄縛馬上將渡河奮躍

大呼縛斷賊急持之嚙賊賊負痛乘間拔賊刀自斷其頸未絕賊猶持之遂躍入水中水從口入血自喉湧踰時氣絕見者莫不傷之

李氏庠生戴應龍妻崇禎八年流賊突至應龍被執氏罵不絕口與夫俱遇害

周氏盧之懷母崇禎末罵賊死見孝婦黃氏傳

周氏光祿吳士仲繼妻生而端凝歸吳事孀姑孝嗣隨夫宦金陵扶姑櫬歸葬寓風水山寨適流賊攻甚急氏遂投繯遇救復甦賊入氏罵不絕口被賊碎首死賊退其子收殮遺骸見氏顏色如生報經撫軍獎以額以時多故請旌未果

樊氏王烈女之母明季攜女避難遶磯投江死詳王女傳以上縣志

以上烈婦孝婦

劉氏二尹王國任妻甫六齡聞王母熊訃啼泣不食嗣值熊忌日輒申哀慕既笄于歸事繼姑陶得歡心國任壯歲無子劉為置妾生子三錫撫如己出督教惟嚴隆慶壬申成諸生李氏耿大振妻靜重寡言笑事姑秦孺人至孝秦性嚴急易怒且撻李敬受之無怨懟姪第三子將婉晨猶受撻含淚并汲歸亟入室而誕子即耿恭簡父也性廉嘗乞茗於世姑中有遺金適以還家中落勤苦治生猶省約以為施與屬纊時強起沐浴更衣而逝年七十一封淑人

秦氏耿靜庵妻生子四定向定理定力定裕事兩世尊章以敬

待諸姑妯以和夜勤女紅令諸子讀書於側課熟方許寢子
所交遊必察好賙孤嫠貧苦歲祲自樽節以資族屬疫則施
湯藥活無算長子巡西夏有持千金求薦者靜庵已遣之入
告秦秦愀然不樂聞已遣乃色喜後就養於督學南畿署中
布衣疏食無異寒素諸子婦化之

彭氏耿恭簡妻初歸耿時家未裕一切曰爨皆躬先之及仲姊
歸姑令值日任事乃曰姊初至且孱弱奈何勞之獨任如常
翁靜庵爲官錢窘彭罄匱中數金奉姑姑喜且泣曰婦貧家
女匱中止此乃以佐公耶恭簡從昆負債繫獄恭簡盡括衣
笥匱具代償彭無難色後隨恭簡任未嘗購一服飾布衣糲
食以迄白首泊如也年六十二卒封淑人

熊氏孟聖睽妻事孀姑極孝夫病危欲以身代閉戶投繯家人
解之氏乃焚香默禱剖股作羹以進夫飲訖睡熟詰朝病愈

以上
縣志

以上
孝婦

貞女

周女名映雪周大用女也幼誦讀能吟詠字某氏子未嫁壻沒
聞訃矢志守貞死後傳有詩云辭卻蒲團二百年曾將玉骨
洗清泉生平抱負無他事雪在山頭月在天

縣志

烈女

胡女名黑女 妹次女正德中流賊至兩河口被擄不從賊令
羣婦密誘之女曰可死不可辱乃截其足趾手指仍不從賊
怒皆判之萬曆二年知縣應存初表其墓

王
縣志

姚女姚觀一女年及笄為賊獲欲犯之見衣裙綴紉甚密使營中女子誘說百端不可脅以刃不屈始褫其衣縛其手足令兩力士左右夾持喊聲震地曰我姚觀一女已許人義不受辱展轉顛撲至於折肱毀體終不可近賊怒支解之旬餘面色如生

王女許字松陽令盧繩慈幼聰慧通孝經內則諸篇明末隨母樊避難陽邏磯聞府城陷母女俱投江死

彭女庠生彭世濟女幼字司理盧經年及笄未嫁賊至隨父避亂山寨中會賊攻寨急女自刎父置之亂草中寨隨潰世濟入水恍見其女牽之而渡遂得生次日具棺殮之以上縣志

烈女

孝女

楊女陂邑監生楊世傳女幼字阮昌綸年十五兩次刲股以愈母病于歸後事翁姑亦以孝稱卒年六十四黃安孝婦兼採黃陂志因列此

吳女吳大架之三女質沈靜幼侍父母愛敬備至父沒一慟咯血未幾卒

王女名皎若字淑潔沙河王氏女幼工吟詠長適黃郎遭夫家離亂遂長歸奉母著有瓊軒詩集耿恭簡吳曲蘿張石虹為之序以上縣志

壽婦

熊氏何儒之妻壽百三歲縣令表以額聯

羅田縣

節婦

李氏舉人周錦妻年二十二夫沒無子矢志守節奉姑孝卒年八十事聞旌表

周氏姜尙忠妻年十八夫沒一子甫半歲守節奉姑曲盡孝養姑病風疾晨昏扶持不懈

許氏王必文妻年十六于歸生子甫週歲夫沒誓不再適事翁姑以孝聞

張氏程雲鵬妻年十九生子方升甫八月夫卒杜門育孤兄勸改適氏憤激舉茶甌擊之守節五十餘年卒

徐氏黃綸妻年十七歸黃甫半月繼姑逐令別居後生子可行六月而夫沒氏年十九姑欲奪其志遣媒詣氏持刃刺之

乃止及姑病侍湯藥惟謹居喪哀毀盡禮子復天氏辟纒備菜以終其身

蔡氏庠生張養妻年二十四歸張生子恆甫四月夫沒父母欲令再適氏斷髮焚柩前誓無他志年八十卒

胡氏庠生蕭玘妻年二十四夫沒撫週歲孤繼美守節三十餘年夜夢玘邀之遂卒後美洎孫譽皆領鄉薦

徐氏張義妻 王氏諸生張美妻弟姒也徐年二十三夫沒無嗣繼姑強之嫁誓死不從王年二十美沒遺孤二以一爲義後弟姒同心白首完節

胡氏王邑溪妻年二十二夫亡子必登尙幼服闕姑令別適氏誓死不從矢志守節卒年八十

徐氏程詳之妻年二十四夫沒氏矢志守節奉祖姑盡孝撫遺

孤仲仁成立年七十餘卒

陳氏庠生胡效蓋妻夫亡子一賓甫週歲守志訓孤年七十四

卒後以子貴贈安人

李氏余梧妻年十八生子瑞才甫一歲夫沒氏通孝經小學訓

子成名卒年六十事聞旌表

蕭氏余文郁妻年二十夫沒撫孤苦守卒年八十餘

胡氏王立妻年二十夫沒守節教子光宇成名卒年七十

熊氏胡某妻年二十夫沒遺腹生子閻然守節四十餘年後閻

然列明經克盡孝道

楊氏段喜樓妻年二十七獻賊陷城夫被害氏撫孤守節卒年

五十

余氏胡效賓妻夫沒家貧苦守訓子成立有司請旌以上王

以上節婦

烈婦

聞氏庠生胡粹然妻為流寇逼大罵不從被賊支解

胡氏貢生王燧妻被流賊擄竊其刀自刎死子七人三為諸生

案王志此次有董氏傳考縣志是烈女故移後

汪氏庠生江文柱妻流賊擄其夫脅氏去氏請釋夫乃從及夫

行遠大罵被殺

胡氏庠生方應尊妻避賊至赤剝巖聞夫殞痛哭投巖而死以上

王志

朱氏胡一銘妻崇禎八年二月初四日夫婦率幼子避亂遇賊被執罵賊同死

丁氏胡昌然妻崇禎末賊至隨夫避亂遇賊不屈同死

汪氏舉人王焯妻夫婦避兵南遷路遇賊夫為賊殺氏被執不

屈奪賊刀鬪死以上縣志

外籍附

唐氏羅田縣知縣梁志仁妻崇禎八年二月城陷志仁殉節唐

大罵奪賊刀不得口齧賊手遂遇害本明史梁志仁傳補以上烈婦

孝婦

聞氏余忠素妻事公姑孝姑病劇氏禱神願以身代割股作糜

食之旋愈王志

貞女

王女父早喪諸弟俱幼女誓不字撫弟成立年九十餘卒王志

烈女

劉女許字姚相未嫁而相死鄰人張正位與人爭娶速之訟女

不從自縊死事聞旌表

陶女正德間為流賊所擄女罵賊不屈死

蔡女諸生蔡容遠女許字余先覺第三子陷於流賊數日甘死

不從被刺數十創而死以上王志

董女幼字喻於義未嫁聞流賊陷城赴泮池死後於義以選貢

成名著有哀詞以上烈女

蕪州

節婦

陳氏羅冠妻年二十四夫沒家貧苦節三十餘年卒永樂閒事聞旌表

呂氏陳溥妻清平衛人呂仲貞之女溥幼隨父徙戍清平因娶氏年甫十八生一子夫沒舅姑以老疾還鄉呂之族不忍氏俱還欲畱之氏誓與孤同死生卒歸斬事育兼盡年八十三卒

黃氏庠生田祿妻年二十四夫沒家貧矢志撫孤卒年七十三潘氏易宗元妻年二十八夫沒痛哭嘔血髮結不理撫週歲子東初守節六十五年卒有司以聞

劉氏馬廷實妻 潘氏馬如駕妻劉年二十夫沒家貧守節事

姑撫遺孤如駕為諸生復死孫甫三歲同媳潘撫之萬曆中旌

劉氏庠生楊杲妻 華氏楊楫妻 田氏舉人楊芳妻劉年二十八夫沒無子撫姪芳為嗣芳本生父楫亦早沒楫妻華年未二十與劉共課芳讀芳登嘉靖庚子賢書尋沒媳田無子勵志同守劉華年逾八十卒田年六十三卒

黃氏庠生朱用謙妻夫沒氏年二十二矢志撫孤子垓成諸生守節四十餘年垓徒步叩闕以請崇禎中得旌

龐氏登仕郎王懋仁妻御史王珙祖母以完節終崇禎時珙陳狀准旌建坊鳳山麓

夏氏張思清妻 傅氏晏文明妻俱少寡無子不忍絕夫嗣立

姪繼之以苦節終

李氏張頤妻萬曆二十九年旌

嘉慶通志脫婁字
州新志亦作張熙

顧氏劉鉞妻顧景星之姑年十八適鉞僅八十

州志作十八

日鉞以

赴童子試溺死暑甚屍潰氏抱之痛哭遺腹生子復殤翦髮
垢面苦節四十餘年後年七十值獻賊亂偕弟夫婦及景星
暨他婢奴共七人出走遇賊酋攜奴十餘人七人向賊叩乞
請代死氏坐地大罵曰我命婦死不為枉何至乞生汝酋汝
非吾楚人乎少年不殺賊為將軍反倚賊荼毒鄉里豬狗將
不食汝餘賊撫然刀墮於地良久曰聞母言使人大慙吾豈
甘心作賊者母且休矣急騎馬去復囑東行勿南果無恙後
終於崑山姪景星以喪歸附於鉞墓事聞旌卹

參通志

翟氏楊某妻年少守節事姑至孝姑病刲股以救撫子權為諸
生年六十餘卒

廖氏典史張忠祿妻年二十一夫沒齧指誓守紡績養姑嘗盛
暑為姑煮藥灼其一目姑沒葬祭如禮撫二子克懋克恕成
諸生年六十四卒請旌

陳氏庠生王從禮妻諸生陳治策女年十五適禮禮有痼疾氏
解奩妝佐藥餌凡八年禮卒氏守節孝事舅姑撫三子應龍
夢龍御龍垂四十年明季避流賊至武昌城陷氏曰未亡人
得死所矣指庭前井謂兩子婦曰若輩有意乎二婦再拜先
下氏取帨履標之井幹乃投井俱死

趙氏周大權妻年二十七夫沒家貧遺孤祉甫四月撫之成立

守節五十餘年

徐氏曹行仁妻年二十夫沒矢志奉姑家無儋石人或憐而助之卻不受毀面而嫠居六十餘年卒以上舊志

黃氏庠生陳九德妻年二十九夫沒家貧撫二子皆成諸生氏姊適朱用謙亦青年苦節時有黃女雙節之稱

李氏庠生瞿平妻憲副李鑒池女年十八苦節年六十四卒建坊旌表

張氏主事壽儒妻江夏人年二十八儒卒氏撫孤嚴訓戒俾成立氏以壽終

朱氏庠生李震妻年三十守志撫三子成立年八十五卒吳氏陳元妻年二十二夫沒矢志守節撫四歲孤紡績自給卒

年六十七

周氏庠生張邦式妻年少守制苦節五十年崇禎九年下江防道唐旌其門曰貞節以上州志

張氏胡其志繼妻採以上州志烈婦

邱氏張文秀妻正德閒隨夫攜女避霸州賊劉六之亂於江南大山磯同女被殺王志

朱氏諸生楊榜妻 楊氏庠生盧紱妻楊於崇禎癸未獻賊毀城被擄賊欲負之楊給之曰我能行乃攜母朱行俱入烈火中死

袁氏庠生盧震初妻年二十二獻賊陷城氏度不能脫拜辭祖

舅姑及舅姑抱週歲子投井死以上王志

何氏庠生陳時珪妻崇禎癸未獻賊屠蕪時珪懼害氏挈子師
僑避深林中得脫歸求夫骸於積屍中認自製頭巾得之具
棺以殮厝之河東旋赴北極尖避難而賊又至氏見勢危嚙
兒左肩曰速逃吾從此訣矣遂投山後懸巖而死

李氏布政使張邦翼妻明季癸未之變同夫死節

國朝巡撫何疏請 追贈忠烈一品夫人

曹氏參議李樾妻 蕭氏諸生李本育妻

陳氏諸生李本純妻 馮氏諸生李本繹妻

邵氏諸生李本張妻 管氏諸生李本泌妻

張氏增生李本德妻 鄭氏諸生李本嘉妻

張氏諸生李本昌妻 馮氏學正張效方妻

劉氏學正張效方妾 劉氏諸生張承區妻

侯氏諸生張承區妻 王氏張效旗妻

周氏諸生張承已妻俱崇禎癸未獻賊陷蕪殉難

魯氏駱沛輝妻以上州志 烈婦

貞女

鄭女麻姑鄭崇德女幼字董氏子未嫁而婿沒女聞慟甚建幽
室畱隙以受飲食鑿盆為浣濯具終日績麻其中遂名麻姑
其盆名老女盆至今猶存鄭氏以其績貲置田租九石為女

祀產州志

烈女

張女庠生張文秀女正德中霸州賊劉六等出秦淮逼蘄州文

秀載妻女避江南大山磯密中賊獲女欲污之女大罵不從

並其母邱氏被殺王志

孝女

徐女年甫十二母病刲股救瘳州志

廣濟縣

節婦

朱氏徐宗妻年二十一夫沒守節終身洪武中旌明一統志

張氏何儀妻年十六夫沒守節附居母族撫姪華宗為嗣正德

中華宗入京陳請得旌年九十七卒

劉氏張鳳妻年二十夫沒無子齧指自誓卒年八十

張氏徐九敘妻夫沒氏年十九殮時裂鏡納其半於棺誓無他

志以節終其裂鏡詞云夫鏡照妾心妾心死不變妾鏡照夫

魂夫魂飛不散百年霜雪姿獨對寒天怨

查氏程啟妻年十九夫死守節至七十七卒

李氏董傑妾直隸人初傑攜嫡寓京生子松週歲復娶氏月餘

傑沒嫡亦亡氏年二十家人欲奪其志乃剪髮自誓養糜哺

孤出貲歸夫及嫡喪於濟撫松成立事聞旌表

饒氏庠生張鈍妻年二十餘夫卒無子女守節以終

邢氏胡燦妻 李氏胡煥妻 張氏胡敏德妻邢夫沒無子撫

姪敏見為嗣苦節數十年事聞獲旌燦族弟煥妻李年十九

煥沒撫遺腹子敏德為諸生德復早沒媳張依姑守節撫姪

端木以承夫祀

梅氏楊洪宇妻年十九夫沒遺孤甫三月父母欲奪其志氏以死自誓卒年五十

董氏鍾聲純妻 蕭氏鍾聲純媳董年二十生子甫一月夫沒守節撫孤成立娶媳蕭舉孫而子又亡蕭守節事姑四十餘年董卒年八十九

張氏胡乙丑妻年十八夫沒守節撫遺腹子順時成名卒年八十

劉氏饒欽觀妻年二十二夫沒守節四十餘年獲旌

張氏劉某妻舉人劉人表祖母年十九守節九十一歲沒

張氏翟斯岡妻夫病割股以救夫沒守節終

岳氏梁我集妻縣志集作雲 彭氏程元遜妻 周氏程希尹妻

陳氏程元憲妻 劉氏程希契妻 童氏程才妻 程氏張輩

基妻俱早寡苦節終身

吳氏饒某縣志殉哥妻石蒼縣志蒼石女適饒逾歲夫死抗志守節舅姑

不能奪明未隨母避賊山中常懷利刃防不測卒年四十餘

以上王志

劉氏國子學錄張價妻價卒於官扶櫬挈孤歸里安貧勵志撫子琇為諸生

趙氏張養孩妻事夫惟謹夫沒事姑孝撫兩孤成立

陳氏劉季忱妻年二十四守節九十六歲卒

胡氏張尚忠縣志忠作宗妻寡父母欲嫁之不可守節四十餘年

盧氏舉人楊大鼇妻年二十六夫沒遺孤甫十月氏矢志撫之

守節三十年

程氏副舉人張淦妻夫沒氏年二十六苦節自勵九十餘卒

吳氏張楚芳妻年十九夫亡守節三十八年卒

朱氏庠生楊戎妻隨夫避寇夫沒寇迫城下氏計出夫柩藏家

譜遺像於懷攜二子縋城以免守節四十七年卒

王氏庠生張寅熙妻 王氏庠生張佳蘊妻 馬氏王錫袞妻

寅熙侍母避兵母卒寅熙繼卒妻王氏年二十五攜子佳蘊

逃竄山谷後徙居武湖佳蘊補諸生早卒媳王氏年二十五

依姑守節撫子錫袞又卒媳馬氏年二十九撫子元耀相繼

守志人稱一門三節以上一節婦

烈婦

王氏蔡永忠妻夫沒姑暨族人逼改嫁氏投水死族人惡之寔

於水許是歲大旱縣令徐愷為之改葬雨隨降

王氏楊啟顏妻夫病癱值流賊至氏侍側不離賊扶其夫氏以

身翼護賊掠之行見他婦皆縛置馬上因給賊曰吾何逃第

創重不勝縛賊諾令乘馬行十餘里躍入道旁塘中死越兩

旬自塘直立面色如生

唐氏潘龍躍妻崇禎十三年避賊靈臬山賊至加刃龍躍頸索

錢唐跪泣乞以身代夫不許女巽大跪泣乞以身代夫不許

唐知夫不免投於塘女從之賊愴然釋其夫明史

張氏饒燮中妻 黃氏饒起臣妻左兵東下張與媳黃俱為賊

黃州府志卷之二十六
執張罵賊以所佩小刀自殺黃赴水死起臣被繫逃歸尋母
故處亦悲號而死

張氏田廣生妻避流賊入枳棘中賊牽之不出遂倒拽之頭面
破裂復被支解

胡氏劉仲霖繼妻夫沒守節撫孤流賊入境被執不從賊奪懷
中兒拉殺之氏愈憤罵賊撞以巨槌腦破而死

費氏周士龍妻隨夫避賊山巖俱為賊擄氏乘閒屢促夫去曰
女子死則死耳丈夫獨不見幾乎士龍逃氏被殺

胡氏呂彰美妻年十九夫沒撫孤為左兵所執涕泣謂鄰婦曰
吾死矣幸為我保此孤兒語訖投塘死鄰婦亦感激同死

龔氏馮如集妻嘗割股愈繼姑病後被賊執詭曰珍寶埋林中

汝取之釋我可也指其處賊往即將所佩刀自刺死

江氏

縣志作張姓

許惟高妻遇叛卒百計不屈賊割其耳刃其背刳

食其心乃死

施氏向日啓妻字蓉姑適向三年值流寇亂氏同夫逃避騎牛
行至蘄水界泣語夫曰賊嗜殺書生攜少婦能兩全乎君善
自保勿顧我詰旦經池邊躍入死子廷廣舉人任巴陵知縣
王氏查文生妻姑病足不離牀褥氏扶持無倦色流賊至被執
不從遂遇害

劉氏張成見妻遇流賊罵不絕口被賊殺

魯氏黃伯常妻被流賊執欲犯之怒罵不屈賊亂刀裂屍死

曹氏朱邦樸妻性淳篤事舅姑孝年三十無子納妾於夫生一

子值亂遇流賊不屈被害

鄧氏劉孟秩妻流賊至偕女昭走避事急投塘死舊注縣志作鄭氏

程氏張簡熙妻舅姑俱陷賊氏每涕泣悵望以不及奉事為憾

及流賊至隨夫避深澗中賊搜見遂自溺死

張氏王凝鼎妻避賊於殷家衝寨寨破投波絲洞巖下死月餘

子秉鉞收殮面如生秉鉞後任貴州衛守備以氏死事聞

國朝順治中贈恭人

陳氏鍾恆甫妻縣志恆作儉梅氏饒全中妻 饒氏胡士恭妻俱

遇流賊不辱憤罵被殺

劉氏楊齊聖妻 劉氏饒牧夫妻 徐氏張明育妻 王氏吳

敏功妻 徐氏饒帝臣妻 劉氏吳敏師妻俱遇流賊投水

死

黃氏劉官玉妻夫沒氏撫女守節避兵湖上攜女及數婢同舟

舟膠淺黃見勢急與女婢同投水死值三伏顏色如生

陳氏李日達妻崇禎乙酉春遇賊寇赴深澤死侍兒從之

徐氏劉滋妻滋赴陝幕卒於中州氏截髮茹苦事舅姑撫孤及

三孫闖賊南竄氏年七十罵賊死

徐氏趙家鼎妻死節赤砦

吳氏郝存仁妻遇賊不屈死節

劉氏胡汝行妻適胡敷載夫沒守節流賊充斥氏避兵深山為

賊擄不屈遇害子二皆祚皆仁以上縣志

金氏張金基妻採訪以上烈婦

孝婦

李氏呂楚蘭妻幼為父母吮疽適呂又割股救姑有司復其家
劉氏呂國珍妻 干氏呂聲瑤妻劉未嫁時父母病前後割股
食之皆愈及適呂姑有疾告其夫割肉療之姑復痊夫弟瑤
亦割股俄干氏感之亦為姑割股焉

胡氏太常少卿吳亮嗣妻年十八歸吳結褵之三日即解耳璫
資舅姑薪米值大寒冰雪脫服禦姑之寒而自咬疏衣憊亮
嗣久不遇氏力貧支持及亮嗣擢給事中乞養不遂氏馳歸
躬調藥餌飲食必親奉厠榆未嘗假手浣濯姑卒擗踊如禮
平居訓諸子以孝庶子不異已出年五十卒 以上縣志
貞女 志孝婦

楊女名九姑楊恩之女幼字雷某未嫁婿沒女聞誓不再字父
母恠之曰他日不終節奈何女泣曰天若令女有夫雷郎當
不死因刺一目以見志卒年九十六永樂閒事 王

烈女

胡女胡太僕女幼字周氏子為繼母所誣投江屍浮出逆流而
上眾咸冤之知縣夏可雷為白其事

張氏二烈女一名福媛舉人張伯瑜 王志作張楚 璠注伯瑜名女隨父避兵
見執鞭之流血罵不絕聲遂被害有同族科甫女亦被執賊
令乘馬女乘之若不為意及至門首投塘水死初兩女聞警
即共誓不辱果踐其言

張女父順早卒女許聘未嫁值流寇至解帶自縊賊見而解之

女大罵不從被殺至慘以上王志

梅女梅孔木女隨父母避兵武山湖女被執縛馬上罵不絕口

賊殺之遺屍笠兒腦道旁

查女名勝姑查用珍女隨兄避兵沙河被執脅以白刃不屈賊

繫之至橋頭觸橋而死

樟樹女不知姓氏年及笄賊欲犯之女抱樟樹大罵曰我父母

弟妹俱死汝手汝吾仇也有死而已賊見其志不移揮刃殺

之血漬樟樹土人因稱為樟樹女

張女名柔張謙之女為賊所執罵不絕口被殺以上縣志 烈女

孝女

徐氏張楚偉妻徐存吾女也存吾官壽州以勞致疾且殆氏方

十歲卽割臂肉烹以進年十二能詩文存吾官蘇州楚偉就

婚焉後隨楚偉歸道過京口報父書云四時之序成功者退

山林觴詠暢敘幽情何必紆青拖紫乃稱貴乎他日存吾哭

女詩有渡頭分手處京口寄書時之句卽謂是書也洎歸布

衣荆笄事舅姑惟謹年十九生子仁熙未彌月遭疾卒縣志參顧

景星白茅堂集

黃梅縣

節婦

張氏縣志註通志作陳氏誤馮永妻永以綱運赴京溺死氏年二十二聞

訃水漿不入口者七日苦節七十餘年卒

邢氏嚴高妻名聖貞年二十五夫沒守節以終正德間旌

陳氏夫家失考年二十六夫與弟俱亡僅遺孤姪氏同姊撫之一日

盜至執孤將殺之氏叩頭告曰一家之命懸於此子幸以某

代盜怒刺之血流不止乃捨去年七十餘卒

陳氏胡鵠妻年十七縣志作九夫沒遺孤甫兩月氏毀容誓守事姑

益謹孤天撫從子為嗣紡績自給苦節四十餘年縣志作卒年七十

周氏劉瑄妻年二十四夫故遺腹生子詔尋天氏織紵自給苦

節以終請旌

王氏庠生石元岱妻年二十二夫沒奉翁姑撫弱子年至七十

有盜入室舉家驚走氏獨危坐不出盜怪問故氏抗言曰吾

夫棄世時屬毋踰此門今敢偷生以背遺言乎盜義而釋之

胡氏庠生李文明妻孝廉胡橋之妹年二十七夫沒子殤僅一

女氏痛哭水漿不入口者五日鐫誓詞於夫墓門結廬其側

手植雙柏踰年為牧豎斷其左二尺許氏跪而泣曰左夫道

也奈何見折浹月柏長與右齊人以為誠節所感卒年七十

八時有徐拭妻齊氏以孝稱同巷居知縣曾維倫因題曰節

孝巷氏有一婢相依不忍出嫁亦以壽終有惡少欲逼節婦

嫁造貼訛言迅雷驚死參縣志

章氏胡世松妻性純謹事舅姑極孝夫病侍湯藥累年不倦夫

沒守節壽一百有一歲

汪氏庠生熊華夏妻幼事母孝及長適熊夫病劇夜半籲天引

刀割左臂三寸許烹而進之達旦家人見血痕滿地問氏不

言昏然痛絕逾月夫卒勉鞠弱子閱六載一日忽大慟觸地

嘔血數升而死

黎氏庠生王作雨妻年十八適王生一子甫三歲夫沒蓬首垢面足不履闕三年制滿人令去服氏曰吾服甯有盡期耶齊衰終身卒年六十五知縣陳額獎

王氏副貢陳廷榮繼妻年二十夫沒守節撫夫前室子頤年迄入庠卒年八十六知縣武學師謝贈有額

胡氏庠生黃若坤妻年二十三夫沒養姑盡孝年七十一卒

潘氏庠生沈文澤妻于歸十日夫沒毀容斷髮以節終

周氏庠生石顯親妻年二十餘夫沒朝夕泣血三年兩目俱盲守節四十四年卒巡撫方請旌

胡氏梅亮中妻年二十二夫沒苦節事孀姑向氏孝敬彌篤姑

病焚香祝天割股食之尋愈

黃氏石維錯妻錯乃天閻氏相敬如賓錯亡財產悉讓伯叔閉門守節茹素終身

劉氏王廷賓繼妻年二十夫沒撫五歲孤兒完節以終

李氏庠生瞿平妻年十八夫沒每日置夫衣冠書籍於庭撫而哭之苦節六十餘年崇禎間旌

洪氏庠生王聖臣妻年十九夫沒局閣自守閱二十餘年流賊至隨父走觸城而死

汪氏程太仲妻少年守節卒年九十有九

縣新志注通志作江氏誤今依縣志

陳氏庠生嚴之恆妻年十七夫沒僅一女苦節四十八年左兵之亂攜女投井死

邢氏庠生石研妻年二十六夫沒無子盡出私蓄貲產還石諸

昆弟獨處一室設夫主朝夕泣奠苦節終身以上王志

施氏柯大經妻夫死哀毀骨立苦節三十年

嚴氏王修妻性端莊夫死苦節四十年

瞿氏庠生熊華問妻幼讀書能文父九思罹冤女日夜號痛既

適熊事熊祖父母孝謹夫沒守節後以微疾卒

宋氏鴻臚寺序班張訓妻訓故氏哀毀絕粒幾死強起撫孤苦

節三十年有司匾其居曰雁臺

劉氏舉人瞿星妻事姑孝星以會試客死京師氏聞三日不食

悲號幾死子九韶補博士弟子又天苦節四十年有司旌其

堂曰完貞

程氏庠生岳懷甯妻素知大義遇寇逼令上馬不從寇怒砍頸

伏地骨未斷尋甦未幾夫沒毀容自誓盡瘁養姑父母欲奪

其志遂終身不復歸甯

王氏庠生倪鳳岐妻鳳岐居父喪哭泣盡哀舊志載入孝行鳳

岐沒氏年二十餘遺孤民望氏辛勤撫之後以民望舉於鄉

授南康令封孺人卒年八十餘

鄒氏倪乾端妻孝廉民望冢婦也夫沒無子舅姑繼沒氏哀毀

骨立守節四十一年卒兩院旌之

胡氏庠生石砥妻年十六夫沒取夫書盡焚之曰吾夫生平手

不釋卷不忍此書不隨之去也遂閉戶苦節外人莫敢窺其

面卽眷屬亦不接見年三十一卒

梅氏邢士琇妻士琇亡家貧撫從子爲嗣勤織紵以供朝夕教
愛兼盡後子爲諸生亦天守節五十年卒

勞氏庠生嚴天申妻江西德化人副憲堪孫女年十九夫亡茹
苦守節四十年

周氏廩生胡振鷺妻 劉氏胡振龍妻鷺龍兄弟也俱爲賊殺
家產盡荒兩婦年俱少誓同死守紡績自給有餽以改適者
卽引刀自加其頸冰操凜然人稱一門雙節

胡氏經魁洪模妻年二十八夫亡事姑孝撫孤勤苦七十年卒
羅氏泗州學正陳言妻隨夫至任子善卒於官署言以思子亦
亡氏力歸二櫬與媳李氏撫幼承先卒年八十六

陳氏庠生程達都妻孝廉陳言女夫沒遺孤二氏紡績教育俱

爲諸生值水災斗米千錢氏出粟周貧乏全活甚眾苦節四
十餘年卒知縣馮額獎

徐氏庠生李淑妻年二十夫沒無子寇亂歲荒艱難困苦氏與
婢僕二人耕鑿紡績至死不變

王氏舉人魏澄妻年二十七澄以會試客死氏苦節以終有司
爲顏其堂

胡氏張惟正妻正苦學早逝遺子國光幼家貧甚氏啜粥茹草
教子成立後登進士官鎮江同知氏得贈孺人年七十三卒

以上
縣志 節婦

烈婦

石氏庠生曾偉妻獻賊陷城夫婦俱被擄氏私語夫曰我惟有

死君其潛逃勿依我少頃賊逼上馬氏投井賊復援之遂以頭觸石血流滿面罵不絕口被賊殺

梅氏庠生石一音妻明季丙子夫為流賊所執不屈遇害氏聞痛哭投湖死事聞旌表

商氏馮公甫妻氏及姑與夫並為賊執強氏從氏佯許之迨脫姑與夫乃奔投烈火中死

周氏程夢斗妻夫遭里中惡少窘辱以死氏痛夫死非命白於有司又不忍暴屍讎黨止於坐戊氏以冤未盡雪抱棺毀裂而殞

以上
王志 烈婦

孝婦

完顏氏孝子洪士高妻見李氏藏書孝義傳曰完顏氏貴家女

也士高父宗海為本學訓與縣尹完顏善尹以女妻其子性質溫柔宗海病癘氏同士高侍奉竭力不愧孝婦

縣新志

烈女

洪女庠生洪世寵女麤涉書史年甫及笄為流賊所執道經烈

磔投火死

王志

黃州府志卷之二十六終

